

## Ո Ր Ո Շ ՈՒ Մ

### Արգելադրված գույքը հարկադիր էլեկտրոնային աճուրդով իրացնելու մասին

10.09.2018թ.

ք.Երևան

Հարկադիր կատարումն ապահովող ծառայության Երևան քաղաքի Շենգավիթ բաժնի հարկադիր կատարող, արդարադատության ավագ լեյտենանտ՝ Ս.Օհանյանս, ուսումնասիրելով 13.06.2018թ. վերսկսված թիվ 03931422 կատարողական վարույթի նյութերը.

## Պ Ա Ր Զ Ե Ց Ի

Երևան քաղաքի Շենգավիթ վարչական շրջանի ընդհանուր իրավասության դատարանի կողմից 13.12.2017թ. տրված թիվ ԵՇԴ/0199/02/17 կատարողական թերթի համաձայն պետք է Պայծառ Խաչիկի Սարգիսովայից հոգուտ «ԱԿԲԱ-ԿՐԵԴԻՏ ԱԳՐԻԿՈԼ ԲԱՆԿ» ՓԲ ընկերության բռնագանձել 5.930.119 /հինգ միլիոն ինը հարյուր երեսուն հազար հարյուր տասնինը/ դրամ, որից 3.770.000 /երեք միլիոն յոթ հարյուր յոթանասուն հազար/ դրամը որպես վարկի գումարի մնացորդ, 651.829 /վեց հարյուր հիսունմեկ հազար ութ հարյուր քսանինը/ դրամը որպես տոկոսագումար, 1.508.290 /մեկ միլիոն հինգ հարյուր ութ հազար երկու հարյուր իննսուն/ դրամը որպես տուժանք, 122.602 /հարյուր քսաներկու հազար վեց հարյուր երկու/ դրամ նախապես վճարված պետտուրքը, ինչպես նաև 24.11.2016թ.-ից սկսած մինչև պարտքի փաստացի մարումը վարկի գումարի մնացորդի և կուտակված տոկոսագումարների հանրագումարի նկատմամբ օրական 0,2%-ով հաշվարկվող տուժանքը՝ հիմք ընդունելով 04.06.2015թ. կնքված հա. 150924475 լուրարդային վարկի պայմանագրի 5.6 կետը, բռնագանձումը տարածելով գրավականի պայմանագրով գրավադրված գույքերի վրա:

Պարտապանից պետք է բռնագանձել նաև բռնագանձման ենթակա գումարի հինգ տոկոսի չափով գումար, որպես կատարողական գործողությունների կատարման ծախս:

Կատարողական գործողությունների ընթացքում փորձագետի կողմից իրականացվել է պարտապան Պայծառ Խաչիկի Սարգիսովային պատկանող ոսկյա զարդերի կրկնակի փորձաքննություն, որի արդյունքում պարզվել է, որ ոսկյա շղթան իր մեջ պարունակում է պղնձե ձուլակտորներ երկու շերտ 583 կարգի ոսկով կաղապարված:

Վերոգրյալի հիման վրա և ղեկավարվելով «Դատական ակտերի հարկադիր կատարման» մասին ՀՀ օրենքի 28, 43 հոդվածներով և «Հրապարակային սակարկությունների մասին» ՀՀ օրենքի 35.1-35.4 հոդվածներով:

## Ո Ր Ո Շ Ե Ց Ի

Պարտապան՝ Պայծառ Սարգիսովային պատկանող ներքոհիշյալ գույքը

| h/h | լուծի անվանումը նկարագիրը                                     | գնահատման<br>գինը | մեկնարկային<br>գինը | գույքի<br>քանակը |
|-----|---------------------------------------------------------------|-------------------|---------------------|------------------|
| 1   | Ոսկյա ջարդոն (շղթա վնասված 12 կտոր)՝<br>580 հարգի, 345.6 գրամ | 3.732.480<br>դրամ | 2.799.360 դրամ      | մեկ հատ          |
| 2   | Ոսկյա ձուլակտոր՝ 500 հարգի, 24.5 գրամ                         | 220.500 դրամ      | 165.375 դրամ        | մեկ հատ          |

ներկայացնել հարկադիր էլեկտրոնային աճուրդի, էլեկտրոնային համակարգի կիրառմամբ՝ հարկադիր կատարման ծառայության աճուրդի էլեկտրոնային կայքի՝ [harkadir.ajurd.am](http://harkadir.ajurd.am) միջոցով: Հարկադիր էլեկտրոնային աճուրդի սկիզբը՝ 29.10.2018թ.:

Որոշման պատճենը ուղարկել կողմերին:

Որոշումը կարող է բողոքարկվել ՀՀ վարչական դատարան կամ վերադատության կարգով, որոշումը ստանալու օրվանից 10 օրվա ընթացքում:

«Դատական ակտերի հարկադիր կատարման մասին» ՀՀ օրենքի 28 հոդվածի 5-րդ մասի համաձայն հարկադիր կատարողի որոշման բողոքարկումը չի կասեցնում. կատարողական գործողությունները, բացառությամբ օրենքով նախատեսված դեպքերի:

ՀԱՐԿԱԴԻՐ ԿԱՏԱՐՈՂ  
ԱՐԴԱՐԱԴԱՏՈՒԹՅԱՆ ԱՎԱԳ ԼԵՅՏԵՆԱՆՏ՝

Ս.ՕՀԱՆՅԱՆ



Ծ Ա Ն Ո Թ ՈՒ Թ Յ ՈՒ Ն Յուրաքանչյուր լոտի հարկադիր էլեկտրոնային աճուրդի ավարտի հաշվարկային ժամ է համարվում կայքում տվյալ լոտի վերաբերյալ ծանուցումը հրապարակելու 10-րդ օրվան հաջորդող աշխատանքային օրվա համապատասխան ժամը: Յուրաքանչյուր չկայացած հարկադիր աճուրդից հետո՝ երրորդ աշխատանքային օրը, կայքում զետեղվում է կրկնակի հարկադիր էլեկտրոնային աճուրդի դրված լոտի մասին ծանուցումը:

Եթե աճուրդը չի կայացել գնորդ չլինելու կամ լոտի մեկնարկային գնի հավելում չկատարվելու հիմքով, ապա հաջորդ հարկադիր աճուրդ կազմակերպելուց վաճառվող լոտի մեկնարկային գինն իջեցվում է նախորդ աճուրդի համար սահմանված մեկնարկային գնի տասը տոկոսի չափով: Եթե աճուրդը չի կայացել գնորդի կողմից լոտի գնման գինը սահմանված ժամկետում չվճարվելու կամ առուվաճառքի պայմանագիրը չստորագրելու հիմքերով, ապա լոտի մեկնարկային գնի իջեցում տեղի չի ունենում: Եթե պարտապանն ունի այլ գույք, ապա լոտի մեկնարկային գինը տասներորդ հարկադիր աճուրդից հետո հաջորդ աճուրդներում չի իջեցվում: Եթե պարտապանը չունի այլ գույք, ապա հաջորդ աճուրդներում լոտի մեկնարկային գինը չի իջեցվում քսաներորդ հարկադիր աճուրդը չկայանալու դեպքում:

«Հրապարակային սակարկությունների մասին» ՀՀ օրենքի 35.4 հոդվածի 4-րդ, 5-րդ և 6-րդ մասերի համաձայն երկրորդ և յուրաքանչյուր աճուրդից հետո, լոտը /գույքը/ չվաճառվելու դեպքում պահանջատերը աճուրդի ավարտից հետո երկու աշխատանքային օրվա ընթացքում իրավունք ունի պահանջի դիմաց այն ընդունել այդ աճուրդի մեկնարկային գնով: Պահանջատերը պահանջի դիմաց լոտը իրեն հանձնելու վերաբերյալ գրավոր պահանջը կարող է ներկայացնել ՀՀ ԱՆ դատական ակտերի հարկադիր կատարումն ապահովող ծառայություն մինչև չկայացած աճուրդից հետո երկրորդ աշխատանքային օրվա ավարտը: Գույքը /լոտը/ պահանջատիրոջը հանձնվում է վերջինիս կողմից կատարողական գործողությունների կատարման ծախսերը վճարելուց, իսկ գույքի /լոտի/ հանձնման կապակցությամբ հարկեր վճարելու պարտականություն առաջանալու դեպքում նաև դրա կատարումը հավաստող փաստաթղթերը ներկայացնելուց հետո: